

羅家倫
主編
中華民國史料叢編

江

蘇

羅家倫
主編
中華民國史料叢編

江

蘇

中國國民黨
中央委員會
黨史史料編纂委員會
印行

中國國民黨
中央委員會
黨史史料編纂委員會藏本
中華民國五十七年九月一日影印初版

究必印翻 · 有所權版

江蘇

第一
定價
本書售價以當時發行有效
精裝
本售價以當時發行有效
或報價單為準

發行者：中國國民黨中央委員會
黨史史料編纂委員會

經銷處：中央
文 物 供 應 社
臺灣省台北市中山南路十一號之一
郵政劃撥帳戶一四六一八號

印刷者：國

際 印 刷 廠
臺灣省台北市大同街一二五號



調查部緊要廣告

一 徵文

調查一事全賴內地士人襄助爲理同人此舉本欲考察今日國內情形爲他日地方自治張本凡我同志當認爲應盡之義務斷無膜視之理也乃本部創立以後寄稿者寥寥無幾諒因綱目繁瑣難於下手之故乞自今以後不拘一格各就所知任作一門從速寄示爲盼

二 酬勞


評定等第分三等酬勞 甲等酬全年本雜誌三份 乙等酬全年本雜誌二份 丙等酬全年本雜誌一份

三 寄函


本部總受函所設上海四馬路惠福里東明權社 本部事務所設日本東京神田區駿河臺鈴木町十八番地中國留學生會館

如賜函或寄上海或寄東京均可

李秀成戰事會議圖



庚子聯軍破北京城圖



名譽贊成員題名

徐 宇 清君 墨 銀 一 元

顧 心 儀君 墨 銀 三 元

王 揆 君君 墨 銀 五 元

陸 滌 生君 墨 銀 二 元

蔣 花 軒 主人 墨 銀 二 元

朱 君 氏君 墨 銀 三 元

蘇江

第五期目錄

圖畫◎李秀成戰事議會圖◎庚子聯軍破北京圖
社說◎國民新靈魂◎大悲篇
學說(六門)

政法◎新政府之建設

教育◎教育私議

哲理◎哲學概論(續)

科學◎動物分科一覽表(續)◎素數一得

歷史◎荷蘭獨立史(續)◎露西亞虛無黨(續)

實業◎蠶業實驗談

時論

今世界之頑物

小說

章回體◎明日之戰爭(續)

記言

說苑◎不敢忘錄楊公維
斗血書

文苑◎雜詩

談叢◎青燐夜話

記事◎本省時評◎內國時評◎外國時評

雜錄◎江震學堂退學始末記

女學文叢◎論中國女子之前途(續)◎林

女士女界鐘序◎陳女士女界鐘序

調查錄◎嘉定學界一般◎嘉定談◎武陽土產表
(續)

每 月 一 回 朔 日 發 行

國民新靈魂



壯游

金一曰。吾聞之矣。國家者有機體也。若植。若動。若人。若萌。若榮且萎。若生且化。若幼若稚。若少若壯。若老而壽。若童而夭。若耄而死。其有物焉。爲之主耶。吾又聞之。國者積人而成。人有官。有司。有意識。有感覺。有運動。有綜合。抽象。別擇。希望。其有物焉。爲之主耶。其受動焉。曰肢。其傳動焉。曰力。其主動焉。曰腦。其綱維焉。曰神經。系其接觸焉。曰烟。士披里純肢焉。力焉。腦焉。神經系焉。烟士披里純焉。又孰使之然。則靈魂而已矣。靈魂必有宮。則據于吾之軀壳。以爲宮。靈魂必有界。則肢之界。力之界。腦之界。神經系之界。烟士披里純之界。此箇人與彼箇人之界。此群與彼群之界。此國與彼

國之界此世界與彼世界之界現在之世界與已往世界未來世界之界皆靈魂之界也。靈魂弱則人弱，靈魂強則人強，靈魂垢則人垢，靈魂高尚則人高尚，靈魂神聖則人神聖，靈魂者聽之而無聲，視之而無形，控之而若無有，搏之而若無物，巫陽招之而不來，上帝諄之而不往，佛說輪迴而實無有輪迴，惟吾有術也，以化分之製造之，改良之進化之，雖然吾言之人不我信。

中國人之言魂異乎域外人之言魂，中國人之言魂也，則以爲不祥之界，鬼與人之交矣。故曰：精氣爲物，遊魂爲變，祓除厭勝，驅而遠之。若域外之人，則至尊無上，神聖寶貴，美妙潔淨之物，無有過於靈魂者。靈魂其人類之天使哉！氤氳異彩，芬蟠天際，地化爲祥雲，是故特殊之靈魂足以代表一群多數之靈魂，足以代表一國有華美高尚櫻花之魂，而日本以之名其國也；有凌厲驚荒驚之魂，而俄羅斯以之名其國也；有高掌遠蹠神奇變化猛獅之魂，而英吉利以之名其國也；夫國而無魂，乃以陳死之人而充國民之數矣，可乎哉！

吾中國國民之魂，果安在乎？吾登崑崙之山，巔溯黃河之流域，求吾神聖祖宗黃帝

之遺烈風后力牧之餘勛戰勝蚩尤驅除蠻族擴張勢力以徧樹吾都蘭民族之旗。雖殘碑碎瓦蔓艸荒烟而鬼雄猶嘯風馬時來龍駕帝服鬚髯戟張短縮三千年之時間英雄去人若是其未遠也然而吾國民之魂乃不可得而問矣夢魘於官辭囓於財病纏於烟斃着於色寒噤於鬼熱狂於博涕糜於游惰作於戰種種靈魂不可思議而於是國力驟縮民氣不揚投間抵罅外族入之鍊鞭一擊無敢抗者乃爲奴隸魂爲僕妾魂爲囚虜魂爲倡優魂爲餓殍待斃一息之魂爲犬馬豢養搖尾乞食之魂而繙其府而徘徊其都市則商黯其色工悴其容農喘其息士淹其氣悲風吹來四山落葉晚景襲人燈燭無光暮氣入床沈冥石室乃魂之房耗矣哀哉中國魂中國魂

雖然吾無爾吾國魂則有粹矣吾中國之民族偉大之民族也吾國民之人格高尚之人格也吾文明之花先世界大地而揚芳後世界大地而結果無可疑也今者世暗奴欺時衰鬼弄真魂失舍靈性改常方將求李少君之術攝之使來數湘纍大夫之吟招之使復升屋以呼焚符以降曰中國魂兮歸來乎歸來乎此舊魂也於是上

九。天。下。九。淵。旁。求。泰。東。西。國。民。之。粹。囊。之。以。歸。化。分。吾。舊。質。而。更。鑄。吾。新。質。吾。使。孔。子。司。爐。墨。子。司。炭。老。子。司。機。風。后。力。牧。執。大。革。運。氣。以。鼓。之。而。黃。帝。視。其。成。彩。烟。直。上。糾。蟠。空。際。天。花。下。降。白。鶴。飛。來。而。國。民。乃。昭。然。其。如。蘇。呆。然。其。如。隔。世。一。躍。而。起。率。黃。族。以。與。他。種。戰。國。旗。翻。々。黃。龍。飛。舞。石。破。天。驚。雲。垂。海。立。則。新。靈。魂。出。現。而。中。國。強。矣。是。具。五。大。原。質。乃。合。吾。固。有。而。兼。採。他。國。之。粹。者。也。請。試。述。之。

一。曰。山。海。魂。謂。吾。黃。族。之。所。以。不。發。達。於。世。界。無。探。險。性。質。其。一。也。此。言。其。公。論。哉。夫。神。禹。治。水。南。至。赤。道。北。暨。冰。洋。穆。滿。西。遊。登。崑。崙。而。見。王。母。莊。躡。關。瀛。池。而。張。騫。定。遠。通。西。域。唐。元。裝。以。一。錫。一。鉢。至。於。印。度。鄭。和。下。西。洋。及。阿。刺。伯。紅。海。之。岸。鄭。成。功。逐。和。蘭。而。據。台。灣。此。非。吾。民。族。探。險。之。證。乎。雖。然。入。焉。而。不。居。旋。得。而。復。失。則。不。如。其。無。之。爲。愈。何。况。今。日。萎。靡。蜷。曲。反。成。慣。習。處。交。通。之。世。界。而。心。醉。老。死。不。相。往。來。之。治。則。謂。無。探。險。性。質。亦。宜。也。欲。渡。黃。河。冰。塞。川。將。登。太。行。雪。滿。天。心。非。不。往。其。如。靈。魂。之。已。成。怯。薄。而。無。所。用。何。夫。今。歐。人。之。所。以。經。商。遍。大。地。烏。皮。之。靴。及。五。洲。豈。有。移。山。倒。海。之。術。乃。自。一。二。英。雄。出。萬。死。不。顧。一。生。戰。洪。濤。戰。烟。瘴。戰。土。族。

數。十。百。戰。而。後。殖。民。之。政。略。偉。焉。人。視。科。侖。布。麥。折。崙。伋。頓。曲。立。溫。斯。頓。之。徒。以。爲。浩。氣。烟。雲。大。名。日。月。而。不。知。其。夢。魂。夜。夜。常。盤。繞。於。山。海。之。間。一。縷。精。魂。乃。結。而。成。此。世。界。者。也。今。且。南。北。兩。極。探。險。之。隊。日。出。未。已。獨。我。黃。人。未。嘗。涉。足。游。目。此。其。所。以。思。想。之。不。發。達。也。夫。氣。吞。雲。夢。口。吸。西。江。指。現。須。彌。胸。蟠。五。岳。山。海。魂。之。謂。也。吾。欲。以。此。鑄。我。國。民。之。魂。發。揮。而。光。大。之。此。吾。國。之。祥。而。新。帝。國。主。義。之。膨。漲。以。出。口。者。也。

二。曰。軍。人。魂。異。哉。吾。祖。國。之。民。乎。我。聞。從。軍。悲。不。聞。從。軍。樂。也。美。哉。彼。歐。西。之。族。乎。但。祈。戰。死。榮。不。願。生。還。辱。也。立。于。二。十。世。紀。之。世。界。而。不。以。鐵。血。爲。主。義。非。脆。蟲。泣。蟲。則。謂。之。供。解。剖。之。雛。形。果。夫。畏。戰。者。就。戰。禍。畏。死。者。人。乃。以。死。相。脅。國。民。無。軍。人。之。資。格。則。楚。歌。四。面。逼。人。而。來。世。界。所。以。有。強。權。也。軍。人。之。魂。胎。源。于。希。臘。盛。行。于。羅。馬。今。德。意。志。其。宗。子。而。日。本。則。裔。孫。也。吾。國。趙。武。靈。王。胡。服。學。騎。射。以。帝。王。家。而。爲。軍。人。摩。哈。默。特。創。戰。死。登。天。堂。之。說。又。以。宗。教。家。而。爲。軍。人。豈。獨。帝。王。宗。教。而。已。一。切。社。會。之。組。織。皆。當。以。軍。人。之。法。律。布。置。之。一。切。國。防。之。機。關。皆。當。以。軍。人。之。

眼光建設之一切普通歷史風俗習慣皆當以軍人之精神貫注之是故鐵血者神聖之所歆劍銃者國民第二之衣食住聞戰而喜戰死而相與賀國未有不雄者也狹巷短兵相接處殺人如草不聞聲輕快拙速吾愛之矣吾欲以此鑄我國民之魂吾國民其無以文靜而流入于衰弱之結果也

其三曰游俠魂 吾讀游俠傳而歎中國人之有國民思想者司馬遷一人而已俠者儒之反儒者有死容而俠者多生氣儒者尙空言而俠者重實際儒者計禍福而俠者忘利害儒者蹈故常而俠者多創異使中國而于致今日也其儒之罪哉重然諾輕生死一言不合拔劍而起一發不中屠腹以謝俠之相也友難傷而國難忿財權輕而國權重俠之概也是故朱家郭解王公劇孟俠也荆軻聶政要離倉海亦俠也李膺杜密范滂顧憲成高攀龍亦俠也富蘭克林哲爾生丹頓羅伯斯比瑪志尼加里波的噶蘇士巴枯寧西鄉隆盛宮崎寅藏尤俠也非美利堅人之俠骨不能脫母國而張獨立之旗非法蘭西人之俠心不能倒君權而演革命之劇非日本男兒之俠腸不能攘夷覆幕與維新之事業一躍而立于一等國之地位也美哉俠乎十八

六

世紀來以我中國而有俠也其無今日矣是故國亡于儒而興于俠人死於儒而生于俠吾今不復以種族觀念國家思想而望諸鄙其貌奮其心之儒而惟望多數之人而皆爲俠也共和主義革命主義流血主義暗殺主義非有游俠主義不能担負之吾欲以此鑄吾國民之魂吾先搜儒冠裂儒服以爲國民倡國民其肯從我遊哉其四曰社會魂 社會者何也乃平民之代表詞也吾欲鼓吹革命主義於名爲上等社會之人而使之翕受終不可得矣吾乃轉眼而望諸平民且吾觀察中國今日社會之內容及現象有不能與歐洲比例而當取歐洲尙未經歷之經濟革命以爲政治革命之引藥線蓋我中國箇人經濟主義太發達故不能具有政治思想而下等社會之困難於經濟類皆受上中二等社會之壓制故共產均貧富之說乃個人所歡欣崇拜香花祝而神明奉者也夫俄羅斯之富豪出私財以助虛無黨員之運動乃以經濟界之立憲合力以圖政治界之革命今吾中國苟有五百金之產則閉門高坐如第二之君主時出死力壓制其佃農及一切下等社會聞革命之運動申其詈此等奴畜之類豈可令其久居社會助獨夫民賊以流禍也社會黨者歐州

今日之神聖法團也。求平等博愛而未得。故以流血爲之。先今其勢力駸駸占優勝矣。吾欲以此鑄我國民之魂。吾先獻身破產。剷平階級以爲國民倡。夫吾之愚固不可及也已。

其五曰魔鬼魂。魔鬼者非神奇幻異。仗劍披髮如義和團之所爲也。乃一種神祕慘黯之精神之手段。使人不可思議如魔鬼之爲也。夫革命而昌言於道演說于市。報告於冊籤名于籍。攝影于片。惟恐人之不速曉。乃國民未有經驗。亦其中過渡之一階級。至於實行之頃。有不得不用祕密之運動者矣。悲哉吾中國之人乎。以中國貴胄八百餘人留學日本。今日有所集議。預日發傳單。遞明信片。萬目睽睽。視線皆集而蠻夷之賤種留學者。僅僅一二百人。竊伺其旁。籍名姓取影片以去。報告僞廷。一旦回國。則緝捕者隨其後矣。世俗有言曰。秀才造反三年不成。非譏言也。夫吾國民而不真欲驅逐異族。實行革命。則已苟欲之。則一切政府重要之地。兵衛森嚴之域。關津出入之途。軍火製造之廠。皆必有我同志之足跡也。貫皮之工。幻形之術。僧道醫卜。江湖賣技之流。三合哥老。白連會黨之傑。皆不可以不注意也。以賊殺爲目的。

以偵探爲手段吾知虬鬚倉海隱娘紅線精精空空必不絕于世界其有以物色之而已吾欲以此鑄我國民之魂吾將來民黨之得潛勢力于中國其終在此而不在彼乎

吾國民具此五靈魂而後可以革命可以流血可以破壞可以建設可以殖民可以共產可以結黨可以暗殺恐怖可以光復漢土驅除異族生則立懂于世界死則含笑以見我神聖祖宗黃帝於地下告厥成功焉然則吾國民特殊之代表何名曰龍而已矣龍者見首不見尾噓氣成雲東雲一鱗焉西雲一爪爲今者尺蠖屈終當得雲雨而非池中物也潛龍勿用過去之兆也龍戰於野現在之兆也見群龍無首吉未來之兆也或曰中國者睡獅也獅其可表乎天用莫如龍地用莫如獅蟠天際地我國民靈魂尙其格只黃帝祖宗馨香陟降尙其樂只

